

Headlines

1. प्रधानमंत्री नरेंद्र मोदी होंरें अज्ज आकाशवाणी परां मन की बात प्रोग्राम राहें लोकें कन्नै अपने विचार सांझे कीते। उनें आखेआ जे पूरी दुनिया दे लीडर ए.आई च भारत दिएं उपलब्धिएं थमां बडे मते प्रभावित ना।
2. प्रधानमंत्री होंरें देसै दे नागरिकें गी त्यौहारें दरान स्वदेशी समेयान खरीदियै आत्मनिर्भर भारत दे निर्माण च अपनी भूमिका नभाने दी अपील कीती।
3. किशतवाड दे जंगल आले इलाके च सुरक्षाबलें कन्नै भखे दे इक टाकरे च दो आतंकवादी मारे गे।
4. कल गुलमर्ग च शुरू होने आहिलएं छेमिएं खेलो इंडिया स्यालू खेड्डें दे दुए चरण दी मेजबानी लेई जम्मू-कश्मीर पूरी चाल्ली तैयार ऐ। इनें खेड्डें च तकरीबन 300 एथलीटें दे हिस्सा लैने दी मेद ऐ।
5. अज्ज शिवनोत च 6मीं राश्ट्री राफिंग चैंपियनशिप शानदार समारोह कन्नै सम्पन्न होई। सीमा सुरक्षाबल दी मर्दे ते महिलाएं दियां टीमां जेतू घोषित कीतियां गेइयां।



PM-MKB

प्रधानमंत्री नरेंद्र मोदी होंरें आखेआ जे इंडिया ए.आई इम्पैक्ट समिट भविक्ख च विश्व सतह पर ए.आई दी शक्ति दे इस्तेमाल आहली भेठा महत्वै आहला पडांसा साबित होआ ऐ। आकाशवाणी थमां मन की बात कार्यक्रम च प्रधानमंत्री होंरें दस्सेआ ज समिट लेई नमीं दिल्ली दे भारत मंडपम च केइएं देशें दे लीडर उद्योगपति नमियां काहडां तुप्पी कडुने आहले ते स्टार्ट अप खेत्तर कन्नै जुडे दे लोक किट्टे होए।

प्रधानमंत्री होंरें आखेआ जे उनें ए.आई समिट प्रदर्शनी दरान विश्व दे लीडरें गी केई चीजां दस्सियां। उनें बशेश तौरा पर अमूल आसेआ लाए गेदे स्टाल बारै ते प्राचीन सुश्रुत संहिता आहले स्टाल दी बी गल्ल कीती।

वोकल फॉर लोक दे मंत्र गी दोहरांदे होई प्रधानमंत्री होरें देसै दे नागरिकें गी अपील कीती जे ओहू स्वदेशी उत्पाद खरीदियै आत्मनिर्भर भारत दे निर्माण च अपना योगदान देन। उनें आखेआ जे देसै च बने दे हर उत्पाद दी खरीद कन्नै मुल्लै दी अर्थबवस्था तगड़ी होंदी ऐ।

अज्ज अपने मन की बात प्रोग्राम च प्रधानमंत्री होरें विद्यार्थिं गी एग्जाम वारियर दे रूपै च संबोधित कीता। उनें विद्यार्थिं गी प्रोत्साहित करदे होई आखेआ जे ओहू बिजन कुसै तनाव ते दबा दे मतेयानें दी तैयारी करन कीजे उंदी छड़ा नम्बरें कन्नै परिभाशित नेई होंदी। उनें मेद ते विश्वास दस्सेआ जे विद्यार्थी बेहतरिन प्रदर्शन करडन ते जीवन च नमिं उंचाइं गी हासल करडन।

मन की बात दी इक श्रृंखला च प्रधानमंत्री मोदी होरें डिजिटल अरेस्ट ते डिजिटल फ्रॉड दी बी गल्ल कीती। उनें आखेआ जे समाज च इस भेठा काफी जागरूकता आई ऐ, पर अजें बी स्हाड़े आस्से-पास्से नेहियां घटनां होआ'रदियां न, जिंदी कोई माफी नेई ऐ। उनें सभनें दा जागरूक ते सतर्क रौहने दा आह्वान कीता।

तोआई, पूरे जम्मू-कश्मीर दे लोकें अज्ज आकाशवाणी परां प्रधानमंत्री हुंदे मन की बात प्रोग्राम दी 131मीं श्रृंखला गी सुनेआ ते उंदे आसेआ विकास उपलब्धिं ते प्रेरणा देने आस्तै संदेश सुने।



Reeta-Yusuf

आकाशवाणी जम्मू दियां अपने समें दियां उत्कृष्ट उदघोशका रीटा युसुफ हुंदा अज्ज काल होई गेआ। ओहू 78एं बरें दियां हियां ते पिछले किश बरें थमां कसरी चलै करदियां हियां कोई 17एं, 18एं बरें दी उम्री च बतौर ड्रामा artist रेडियो कश्मीर जम्मू कन्नै जुडने दे बाद ओहू पैहलें पंजाबी प्रोग्राम दियां कंपीअर, फही कैजुअल अनाउंसर ते मगरा रेडियो दियां स्थाई उदघोषिका बनियां। अपनी मिट्टी अवाज ते बोली दे खास अंदाज दे चलदे उंदी प्रसिद्धी नां शड़ा जम्मू-कश्मीर ते उत्तर भारत दे होरनें केई राज्यें तगर महदूद रेही, सगुआं पाकिस्तानी कब्जे आहले जम्मू-कश्मीर ते पाकिस्तान च बी उंदे अंदाज गी बड़ा मता पसिंद कीता जंदा हा। पंजाबी प्रोग्राम च उंदा गुड्डी दा किरदार अज्ज बी लोक चेता करदे न। पिछले बरे इक विशेष कार्यक्रम दरान उंदे कन्नै गल्लबात बी होई ही। कसरी होने कारण ओहू आपूं ते स्टूडियो नेई हियां आई सकियां। इस करी एहू प्रोग्राम फोन पर रिकार्ड कीता गेआ हा। उंदा खीरी संस्कार कल बडुलै 11 बजे जम्मू दे प्रेमनगर स्थित क्रिश्चन कब्रस्तान च कीता जाहगा।

Encounter Update

सुरक्षाबलें अज्ज आप्रेशन त्राशी-1 दे तैहत किशतवाड़ दे जांगली इलाके च इक टाकरे दरान दऊं आतंकियें गी मारी मकाया। व्हाइट नाइट कोर नै दस्सेआ जे इलाके च आतंकवादियें दी मौजूदगी टकोहदी सूह थहोने परैंत एहू आप्रेशन रम्भ कीता गेआ हां व्हाइट नाइट कोर दे जवानें, जम्मू-कश्मीर पुलिस ते सी.आर.पी.एफ कन्नै रलियै चलाए गेदे तपाशी अभियान दरान आतंकवादियें कन्नै होए दे टाकरे च होइ, दी जबरदस्त गोलीबारी च इनें आतंकवादियें दा सफाया करी दित्ता। तोआई, टाकरे आहली थाहै थमां 2 ए.के 47 रफलें सने जंग च इस्तेमाल होने आहला समेयान बरामद कीता ऐं इलाके गी घेरी लैता गेआ ऐ ते कुसै होर आतंकवादी दी मौजूदगी दी शेंका गी खत्म करने आस्तै तपाशी अभियान जारी ऐ।

<><><><><><>

Budgam Pro Attached

आतंकवादी तत्वे खलाफ इक महत्वै आहली गैंऽ पुट्टदे होई जम्मू-कश्मीर पुलिस नै कल बडगाम च यू.ए.पी.ए दी दफाएं तैहत इक JK NOP दी अचल संपत्ति अटैच कीती। एहू संपत्ति बडगाम जिले दी खानसाहिब तहसील दे ग्रां गमगुल्ला च 1 कनाल 16 मरले दी कीमती जिमी पर फैली दी ऐ। एहू अटैचमेंट भारती नागरिक सुरक्षा संहिता दी दफा 85 दे तैहत कनूनी कार्रवाई मताबक कीती गई।

<><><><><><>

KIWG-Prep.

कश्मीर घाटी दे दुनिया भरै च मशहूर गुलमर्ग रिसार्ट च कल्लै थमां शुरू होआ'रदे खेलो इंडियो स्यालु खेड्डें दे 6में संस्करण दे दुए गेड लेई तैयारियां तकरीबन पूरी होई गेदियां ना। इनें खेड्डें च मुल्ख भरै थमां तकरीबन 300 खडारियें दे कन्नोकन्नी सहायक अमला ते अधिकारी बी हिस्सा लै करदे ना। इनें खेड्डें च हिस्सा लैन जा'रदे खडारियें अपनी खुशी जाहिर कीती। ते राश्ट्री सतह आहले मंच पर मकाबला करने ते अपने कौशल दस्सने दे मौके पर जोर पाया। 26 फरवरी तगर चलने आहले इनें खेड्डें दा मकसद स्यालू आहली खेड्डें गी बढावा देने दे कन्नोकन्नी सैलसफा गी उबड़ा चुक्कना ते नौजवान एथलीटें गी भारत दे खेड्डे वातावरण हिस्सा लैने ताई प्रेरित करना ऐ।

<><><><><><>

Rafting Championship

जंदे चार दिनें थमां जारी राश्ट्री सतह आहली 6मीं राफ्टिंग चैंपियनशिप अज्ज डोडा दे शिवनोत च इक शानदार समारोह कन्नै मकम्मल होई। एहदा सिरलेख Rafting Championship हा। सैलसफा मैहकमे दे निदेशालय नै जिला प्रशासन डोडा कन्नै रलियै 19 थमां अज्ज 22 फरवरी तगर इस चैंपियनशिप दा सरिस्ता कीतो गेदा हा। मुकाबले च बीएसएफ दी मर्दे ते महिला दिर्यें टीमें टॉप अवार्ड जित्ते।



Fireman-Regulation

हथियारें सरबंधी कनून फायर-आर्म रेगुलेशन गी निगगर करने दे मकसद कन्नै इक महत्वै आहली गैंड पुट्टे होई जम्मू जिला प्रशासन नै हथियारें दा लाइसेंस रखने आहलें गी आर्म्स एक्ट दी पालमा करने दा निर्देश जारी कीता ऐ। एहदे तैहत मते शा मते दो हथियार रखने दी हद तय कीती गई ऐ। जिला मैजिस्ट्रेट राकेश मिन्हास होरें गलाया जे दो शा मते हथियार रखने आहले लोकें गी 10 दिनें दे अंदर-अंदर बाद्दू हथियारें गी जमा करोआने ते अपने-अपने असल लाइसेंस दस्सने लेई आखेआ। अधिकारियें सौहगा कीता जेडे ऐसा नेई करडन, उन्दे लाइसेंस मुअत्तल करने सने सख्त कार्रवाई कीती जाहगा। उनें दस्सेआ जे इस गैंड दा मकसद लोकें दी सुरक्षा गी यकीनी बनाना ते इलाके च हथियारें दे कनूनी कब्जे गी बकायदा बनाना ऐ।



Water Tankers

जरूरी सार्वजनिक सेवाएं दी उपलब्धता गी बढ़ावा दिंदे होई डोडा जिला प्रशासन नै शुक्रवारें खासतौरा पर तयार कीते गेदे दो किस्में दे पानी आले 4 टू इन वन टैंकर मकामी लोकें गी सौंपे ते डोडा कस्बे च नमें बनाए गेदे 30 ज्हार गैलन पानी दी होद दा उद्घाटन कीता। इनें चार टैंकर गी जिंदी बरतून पीने आले पानी दी सप्लाई ते आपदा आली स्थिति दरान अगग स्थालने लेई कीती जाई सकदी ऐ। जिला प्रशासन ते भद्रवाह दे विधायक होरें निर्वाचन हल्का विकास फंड ते कैपेक्स बजट तैहत सांझे तौरा पर हासल कीता ऐ। डी.सी दफ्तर परिसर थमां डिप्टी कमिशनर हरविंद्र सिंह होरें इनें टैंकरें दी झंडी दस्सियै रवाना कीता।

